

宋

會

要

宋會要

貢舉

太祖建隆元年二月二十日中書舍人扈蒙權知貢舉合格進士楊礪已下十九人二年二月十日工部尚書竇儀權知貢舉合格進士張去華已下十一人三年三月十九日翰林學士王著權知貢舉合格進士馬適已下十五人同上四年二月二十二日樞密直學士薛居正權知貢舉合格進士蘓德詳已下八人乾德二年三月二日翰林學士承旨禮部尚書陶穀知貢舉合格進士李景陽已下八人同上三年二月十五日知制誥盧多遜權知貢舉合格進士劉察已下七人四年二月十

乾德六年取
進士紫成務
等十一人

添及第下

文獻通考
新制也

成行注

七日禮部員外郎王祐權知貢舉合格進士李肅已下
六人 五年二月十三日知制誥盧多遜權知貢舉合
格進士劉蒙叟已下一十人尋詔參知政事薛居正於
中書覆試皆合格並賜及第 開寶二年二月二十日
樞密直學士趙逢權知貢舉合格進士安德裕已下七
人 三年三月三日知制誥扈蒙權知舉合格進士張
拱已下八人續詔取十五舉未及第司馬浦已下七人
特賜進士出身 四年二月二十四日知制誥盧多遜
權知貢舉合格進士劉寅已下十人 五年閏二月三
日知制誥扈蒙權知貢舉合格進士安守亮已下十一
人文獻通考開寶五年初歲取進士不過十數人知貢

係下第人徐
士廉打鼓論
榜語於漢武
殿重試通放
二十六人貶試
官李昉扶御
試自此始
添十人下

一本作取進
士王嗣宗等
二十人
疑行注言
李今下

舉奏合格人姓名而已至是禮部試到進士安守亮等
十一人及諸料十七人上召對講武殿始下制放榜新
制也 六年二月二十八日翰林學士李昉權知貢舉
合格進士宋準已下十一人 七年三月詔權停貢舉
八年二月二十四日以知制誥王祐權知貢舉知制
誥扈蒙左補闕梁周翰秘書丞雷德驥並權同知貢舉
合格奏名進士王式已下二百九十人 九年三月詔
權停貢舉 太宗太平興國二年十月二十一日詔曰
朕昨以振舉滯淹詳求俊乂乃以清閑之宴親校賢能
之書中我懸科幾乎數百所宜暫停貢舉且使進修其
禮部貢舉宜權罷一年今年諸州已得解舉人村來特

免解仍令有司頒行天下 五年正月八日以文明殿
舉士程羽權知貢舉御史中丞侯陟中書舍人郭贄宋
白殿中丞陳鄂尚書博士邢昺權同知貢舉合格奏名
進士某乙已下若干人 六年三月詔權停貢舉 八
年正月七日以中書舍人宋白權知貢舉知制誥賈黃
中呂蒙正李至直史館王沔韓丕宋準司封員外郎李
穆監察御史李範祕書丞楊礪權同知貢舉合格奏名
進士王禹偁已下若干人 雍熙二年正月十八日以
翰林學士賈黃中權知貢舉右散騎常侍徐鉉知制誥
趙昌言韓丕蘇易簡宋準禮部郎中張洎直史館范杲
宋湜戴貽慶權同知貢舉合格奏名進士陳克已下四

文獻通考
命春官知舉
庶行注

文獻通考至
漢書至
此

百五十八人 三年三月權停貢舉文獻通考雍熙四年先是上閱試舉人累日方畢宰相屢以春官之職歸有司如唐故事乃詔歲命春官知舉 端拱元年三月二十三日以翰林學士宋白權知貢舉知制誥李沆權同知貢舉准詔令放合格進士諸科程宿已下一百二十人文獻通考端拱元年禮部放進士程宿以下二十八人諸科一百一十人榜既出而謗議蜂起上意其遺材遽召下第人覆試於崇政殿得進士馬國祥以下及諸科凡七百人以試中為目用白詔紙書其名氏以賜之令權知諸縣簿尉六月又命右正言王世則等召諸下第進士及諸科於武成王廟重試得合格數百人以上

覆試詩賦又拔進士葉齊以下三十一人諸科八十九人並賜及第容齋洪氏隨筆曰太宗雍熙二年端拱元年禮部放進士之後慮有遺材至於再試再放雍熙後試凡百七十六人端拱覆試諸科因此得官者至於七百一時待士可謂至矣然太平興國末益州進士張雨光以試不合格縱酒大罵於街衢中言涉指斥上怒斬之同保九輩永不得赴舉恩威並行至於如此二年正月十一日以知制誥蘓易簡宋準權知貢舉合格奏名進士陳堯叟已下三百六十八人淳化元年三月詔權停貢舉三年正月六日以翰林學士承旨蘇易簡權知貢舉翰林學士畢士安知制誥呂祐之錢若

文獻通考卷
漢書二人之
地耳

水王旦權同知貢舉合格奏名進士孫何已下若干人
文獻通考淳化三年是歲諸道舉人凡萬七千餘人蘇
易簡知舉殿試始令糊名考校內出卮言日出詩題試
者不能指辭相叩殿檻上請有錢易者日未中三題皆
就以其輕俊特命出之得孫何以下三百餘人諸科八
百餘人就宴賜御製詩三首箴一首又詔刻禮記儒行
篇賜近臣及京朝官受任於外者得以賜何等初因殿
策士例賜御詩以寵之至陳堯叟始易以箴至是詩箴
並賜舊制三文通禮各試三十場每場墨義十道制
自今只試墨義十五場餘十五場抽卷令面讀能知義
理分卡其句識難字者為合格不可者落自端拱元

年試士罷進士擊鼓訴不公後次年蘇易簡知貢舉固請御試是年又知貢舉既受詔徑赴貢院以避請求後遂為例容齋洪氏隨筆曰淳化三年太宗試進士出庖言日出賦題孫何不知所出相率叩殿檻乞上指示之上為陳大義景德二年御試天道猶張弓賦後禮部貢院言逆進士惟鈔畧故今文賦懷挾入試昨者御試以正經命題多惜所出則知題目不示以出處也大中祥符元年試禮部進士內出清明象天賦等題仍錄題解摹印以示之至景祐元年姑詔御藥院御試日進士題目具經史所出摹印結之更不許上請按藝祖太宗皆留意於科目然開寶八年王嗣宗為狀元止授泰州

司理叅軍嘗以公事忤州路冲冲怒械繫之於獄然則
當時狀元所授之官既畢且不為長官所禮未至如後
世榮進所康定要路在前之說也至太平興國二年始命
第一第二等進士及九經授將作監丞大理評事通判
諸州其次皆優等注擬凡一百三十人淳化二年試士
第一甲至三百二人皆賜及第太宗時惟此二年科目
恩數最再為優渥涑水記聞言太平興國之事以為太宗
幸西都張齊賢以布衣獻策帝善之歸語太宗曰吾幸
西都得一張齊賢我不欲官之汝異日可收以自輔是
勝齊賢中選適在數十人後及注官乃詔盡與起除如
此則是通榜恩數之厚是太宗欲曲為張齊賢之地焉

永語錄載淳化二年之事則以為武當山道士鄧若拙嘗出神見二仙官相語曰來春進士榜有宰相三人而一人極低如何對曰高低不可易也獨甲料可易不若以第二甲為第一甲道士覺以告人既而唱名上適有宮中之喜因為近臣第一甲多放幾人言止則止遂唱第一甲上意亦忽々忘之至三百人方悟是年^榜三百五十三人而第一甲三百二人第二甲五十一人丁謂第四人王欽若第若一人張士遜第二百六十人後丁謂王張皆為宰相如此則是黃甲人數之多是神物欲曲為張士遜之地二說頗涉偏私詭異故李大性所著典故辨疑深言其不然愚以為太宗寤寐英賢如恐不及

時出特恩以示獎勵故初無一定之例有如太平興國二年三年第一等第二等並授通判而五年則前二十三名授通判八年則第一甲授知縣雍熙二年第一等為節察推官淳化三年則止前四名授通判則累科授官之崇庠無定例也分甲取人始於太平興國八年然是年第三甲五十四人第二甲一百五十七人反三倍於第三甲之數端拱元年二年則又不分甲淳化三年第二甲五十一人第一甲三百二人反六倍於第二甲之數則累科分甲人數之多少無定例也好事者徒見二張致身宰輔而不擢高科而二科思例適爾優厚故故必以為曲為二人之地耳 四年三月詔權停貢舉

又獻通考
進取之便耳
右行注

五年正月詔權停貢舉

至道元年三月詔權停貢舉

二年三月詔權停貢舉

真宗咸平元年二月

十九日以翰林學士楊礪權知貢舉知制誥李若拙直
昭文館梁顥直史館朱台符權同知貢舉準詔放合格
進士孫僅已下五十一人文獻通考真宗咸平元年詔
禮部放榜得進士孫僅已下五十人高麗賓貢一人自
淳化五年停舉凡五年至是始行之其年密州發解官
坐薦送非人當入金特詔停任因詔告諭諸路以警官
吏容齋洪氏曰按登科記孫僅榜五十人自第一至
十四人惟第九名劉燁為河南人餘皆貫開封府其下
二十五人亦然不應都人士中選如是其多疑外方寄
名記籍為進取之便耳二年正月十日以禮部尚書

溫仲舒知貢舉御史中丞張詠知制誥師顏權同知貢
舉準詔合格進士孫暨已下七十一人 三年二月三
日以翰林學士王旦權知貢舉知制誥王欽若直集賢
院趙安仁權同知貢舉且知樞密院復命史館湛合格
奏名進士李庶幾已下五百四十七人 五月二十四
日詔權停貢舉一年 五年正月十一日以吏部侍郎
陳恕翰林學士師顏權知貢舉主客郎中謝泌屯田郎
中楊覃權同知貢舉合格奏名進士王曾已下七十八
人 六年五月四日詔曰貢闈之設用采時髦言念遠
方歲偕上計未遑肄業遽已飭裝頗聚學之勤有異育
材之旨宜令禮部權停今年貢舉 景德二年正月十
全唐文

四日以翰林學士趙安仁權知貢舉右諫議大夫晁迥
龍圖閣待制戚綸直昭文館陳充直史館朱異權同知
貢舉合格奏名進士劉滋已下四百九十二人 六月
一日詔曰今歲荐闢禮闈並臻時彥四方之士克賦斯
來兩河之間後期可念既升名于貢部乃射策于廣庭
則有詞旨優長經義精富悉登上第元叶旁求復有淹
回歲時潦倒場屋嗟其晚暮亦用甄收重念貢舉之門
因為循弊躁競斯甚謬滋益彰至有屬詞未識於師資
專經不曉于章句攘竊古人之作懷歲所習之書假手
成文遙口授義衆已慙于醜行自猶振于屈聲匪徒黜
落以貽羞固亦詐欺而有咎士之于祿豈有然乎其貢

舉宜令權住二年且使各務服勤更專學術無失大成之義得符虛佇之懷仍委禮部貢院今後科場精加考試比者亦有州郡全無解送如其實負苦辛何以使之淹滯不能貢士是謂曠官將來秋賦有敢願避全不解人必行朝典 四年十二月二十二日以翰林學士晁迥權知貢舉知制誥朱異王曾龍圖待制陳彭年權知貢舉合格奏名進士鄭向已下并諸科八百九十一人 大中祥符二年五月七日詔曰俊造之科賢能所出臨軒校藝既搜乘以居多隨計于名亦勞費之斯甚有妨肄業詎稱求財當務敏修副茲虛佇宜權罷今年貢舉 三年五月四日詔權停貢舉 五年正月四日

以翰林學士晁迥權知貢舉樞密直學士劉綜知制誥
李維龍圖閣待制孫奭權同知貢舉合格奏名進士某
乙巳下一百九十人 六年五月二日詔權傳貢舉
八年正月十三日以兵部侍郎修國史趙安仁權知貢
舉翰林學士李維知制誥盛度劉筠權同知貢舉合格
奏名進士高餗已下八十九人 五月四日詔權傳貢
舉 天禧元年五月四日詔權傳貢舉 三年正月元
日以翰林學士錢惟演權知貢舉樞密直學士王曉工
部侍郎楊億知制誥李諮權同知貢舉合格奏名進士
程戡已下二百六十四人 四年五月四日詔權傳貢
舉 五年五月三日詔權傳貢舉 乾興元年五月九

日

仁宗已即位未改元

詔曰朕以初紹慶基祇若彞憲惠綏邦域

誠渴佇於群材營奉山園屬將臻於同軌顧攀號之罔
極實論辨之靡遑言念時髦阻從鄉賦勿軫淹滯之歎
愈思飭勵之方勉俟詳延體茲敷諭宜令禮部貢院權
住貢舉一年 仁宗天聖二年正月十四日以御史中
丞劉筠權知貢舉知制誥宋綬陳堯佐龍圖閣待制劉
燁權同知貢舉合格奏名進士吳感已下二百人 三
年五月二日禮部貢院言今年貢舉乞賜指揮帝曰去
歲放及第人數不少然而覽其程試多未盡善今宜權
罷貢舉各令勵志修學宰臣王曾奏曰前來遠郡下第
舉人方到鄉里今若復許隨計何暇溫習事業即降詔

曰朕祇紹丕基思皇群士用廣得人之路庶資致治之
方前歲肇闢禮闈洽臻鄉秀遵先朝之舊制至考藝於
有司將辨等威俾崇進取朕親臨軒陛面錫科名其或
久困詞場累從賓薦軫其淹滯悉示甄收在於搜揚斯
亦至矣聿周歲序將及計偕言念學古之流或切于名
之志非愈加於修勵則曷副於詳延暫罷貢書更期肄
業勉務日新之益慰茲虛佇之懷其貢舉宜令禮部貢
院史權住一年 五年正月十二日以樞密直學士劉
筠權知貢舉龍圖閣直學士馮元知制誥石中立龍圖
閣待制韓億權同知貢舉合格奏名進士吳育已下四
百九十八人 六年五月十二日詔權停貢舉 八年

正月十二日以資政殿學士晏殊權知貢舉御史中丞
王隨知制誥徐奭張觀權同知貢舉合格奏名進士歐
陽脩已下四百一人 九年三月詔權停貢舉 明道
元年三月詔權停貢舉 二年三月詔權停貢舉 景
祐元年正月十六日以翰林學士章得象權知貢舉知
制誥鄭向胥偁李淑直史館同修起居注宋郊權同知
貢舉合格奏名進士黃庠以下六百六十一人 二年
三月詔權停貢舉 五年正月十三日以翰林學士丁
度權知貢舉翰林學士胥偁侍讀學士李仲容知制誥
王堯臣鄭戡並權同知貢舉合格奏名進士范鎮已下
四百九十九人 寶元二年三月詔權停貢舉 康定

元年三月詔權停貢舉 慶曆元年三月詔權停貢舉

二年正月十二日以翰林學士聶冠卿權知貢舉翰

林學士王拱辰蘇紳知制誥吳育天章閣待制高若訥

並權同知貢舉合格奏名進士楊真已下五百七十七

人 三年三月詔權停貢舉 四年三月詔權停貢舉

六年六月十四日以翰林學士孫抃權知貢舉御史

中丞張方平龍圖閣直學士高若訥集賢校理同修起

居注楊偉錢明逸並權同知貢舉合格奏名進士裴煜

已下七百一十五人 七年三月詔權停貢舉 皇祐

元年正月十二日以翰林學士趙鼎權知貢舉翰林侍

讀學士張錫天章閣待制王贊張揆天章閣侍讀趙師

民並權同知貢舉合格奏名進士馮京已下六百三十
七人 五年正月十二日以翰林學士承旨王拱辰權
知貢舉翰林學士曾公亮翰林侍讀學士胡宿知制誥
蔡襄王珪並權同知貢舉合格奏名進士徐無黨已下
六百八十三人 嘉祐二年正月六日以翰林學士歐
陽脩知貢舉翰林學士王珪龍圖閣直學士梅摯知制
誥韓絳集賢殿脩撰范鎮並權同知貢舉合格奏名進
士孝寔已下三百七十三人 十二月五日詔禮部貢
院自今間歲一開科場 四年正月十一日以翰林學
士胡宿權知貢舉翰林侍讀學士呂溱知制誥劉敞並權
同知貢舉合格奏名進士劉摯已下二百人 六年正

月八日以翰林學士王珪權知貢舉翰林學士范鎮御
史中丞王疇並權同知貢舉合格奏名進士江衍已下
二百人 八年正月七日以翰林學士范鎮權知貢舉
知制誥王安石天章閣待制司馬光並權同知貢舉合
格奏名進士孔武仲已下二百人 英宗治平二年正
月九日以翰林學士馮京權知貢舉翰林侍讀學士范
鎮知制誥邵必並權同知貢舉准詔放合格奏名進士
彭汝礪已下二百一十三人 三年十月六日詔禮部
貢院今後每三年一開科場以上因朝會要治平四年正月二
十五日神宗已即位未改元以龍圖閣直學士司馬光權知貢舉
知制誥韓維邵尤並權同知貢舉准詔放合格進士許

安世已下三百六人 神宗熙寧三年正月九日以翰林學士承旨王珪權知貢舉御史中丞呂公著知制誥蘇頌直集賢院同脩起居注孫覺並權同知貢舉合格奏名進士陸佃已下三百人 六年正月九日以翰林學士曹布權知貢舉知制誥呂惠卿天章閣待制鄧綰直舍人院鄧潤甫並權同知貢舉合格奏名進士邵剛已下四百八人 九年正月八日以翰林學士鄧綰權知貢舉知制誥鄧潤甫集賢校理同脩起居注蒲宗孟並權同知貢舉合格奏名進士張嶷已下四百二十六人 元豐二年正月九日以翰林學士許將權知貢舉知制誥蒲宗孟天章閣侍講兼直舍人院沈季長並權

金唐八
卷一百四十一

同知貢舉合格奏名進士三百四十八人 五年正月

九日以翰林學士李清臣權知貢舉知制誥舒亶侍御

史知雜事滿中行並權同知貢舉合格奏名進士四百

八十五人 八年三月二十六日以兵部侍郎許將給

事中陸佃秘書少監孫覺並權知貢舉准詔放合格奏

名進士焦蹈已下四百八十五人

中兼并講藝下起居舍人朱服權同知貢舉以貢舉院火至是再差也哲宗元祐三年正

月以翰林學士知制誥蘇軾權知貢舉吏部侍郎孫覺

右諫議大夫孔文仲權同知貢舉合格奏名進士五百

二十三人 六年正月九日以翰林學士知制誥范百

祿權知貢舉天章閣待制吏部侍郎顧臨國子司業孔

武仲權同知貢舉合格奏名進士五百一十九人 紹

聖元年正月十八日以兵部尚書鄧溫伯權知貢舉翰

林學士范祖禹戶部侍郎王覲侍御史虞策權同知貢

舉合格奏名進士五百一十三人 是年二月八日鄧溫伯就院除尚書左丞

以范祖禹為知貢舉四年正月十四日以翰林學士林希權知貢

舉刑部侍郎徐鐸起居郎沈銖同知貢舉合格奏名進

士五百六十九人 元符三年二月十四日 徽宗已即位未改元

以尚書吏部侍郎徐鐸權知貢舉給事中趙挺之寶文

閣侍制何執中起居郎吳伯舉同知貢舉准詔放合格

奏名進士李奎已下五百五十八人 徽宗崇寧二年

正月十八日以兵部尚書安燾權知貢舉尚書吏部侍

郎劉拯尚書吏部侍郎鄧洵武尚書兵部侍郎范致虛
權同知貢舉合格奏名進士五百三十八人 三年貢
士知舉官闕合格貢士一十六人 四年貢士知舉官
闕合格貢士三十五人 五年正月五日以兵部尚書
宋鐸知貢舉御史中丞侯蒙吏部侍郎白時中大司成
薛昂同知貢舉合格奏名進士六百七十一人 大觀
元年貢士知舉官闕合格貢士四十人 二年正月二
十三日以吏部尚書余深知貢舉給事中蔡薊中書舍
人霍端友同知貢舉合格貢士五十一人 三年正月
六日以兵部尚書薛昂知貢舉吏部侍郎慕容彥逢禮
部侍郎李園南給事中霍端友中書舍人余奧右諫議

大夫蔡居厚侍御史劉安上符寶郎宇文粹中同知貢
舉合格奏名進士六百八十五人 四年正月十九日
以工部尚書李國南知貢舉尚書吏部侍郎慕容彥逢
尚書禮部侍郎霍端友並同知貢舉合格貢士一十五
人 政和元年正月十九日以尚書吏部侍郎兼實錄
修撰同修國史姚祐知貢舉中書舍人兼實錄脩撰同
脩國史充議禮局詳議官宇文粹中尚書禮部侍郎滿
允並同知貢舉合格闕 二年正月八日以翰林學士
蔡疑知貢舉尚書吏部侍郎慕容彥逢給事中宇文粹
中起居舍人張洙並同知貢舉合格奏名進士七百一
十三人 三年正月十九日以試兵部尚書俞象知貢

舉給事中宇文粹中試中書舍人張滌並同知貢舉合格貢士一十九人 四年正月二十三日以吏部尚書兼侍讀脩國史張克公知貢舉吏部侍郎霍端友兵部侍郎同脩國史宇文粹中同知貢舉合格貢士一十七人 五年正月六日以戶部尚書兼侍讀王甫知貢舉刑部尚書兼侍讀慕容彥逢給事中同脩國史翟汝文大司成同脩國史馮熙載同知貢舉合格奏名進士六百七十人 六年閏正月二十二日以刑部尚書慕容彥逢知貢舉尚書禮部侍郎張滌起居舍人宇文黃中同知貢舉合格貢士一十一人 七年正月二十一日以兵部尚書蔣猷知貢舉大司成王孝迪中書舍人李

邦彥太常少卿賈安宅並同知貢舉合格貢士一十二人 八年貢士知舉官闕合格進士七百八十三人

宣和元年正月二十一日以御史中丞陸德先知貢舉給事中趙野起居郎李綱同知貢舉合格進士五十四人 二年正月二十二日以禮部尚書王孝迪知貢舉給事中盧襄中書舍人梅執禮同知貢舉合格貢士六十六人 三年正月十二日以翰林學士趙野知貢舉尚書兵部侍郎黃齊給事中郭三益同知貢舉合格奏名進士六百三十人 六年正月二十三日以翰林學士承旨兼侍講脩國史宇文粹中知貢舉尚書吏部侍郎同脩國史王時雍中書舍人沈思何臬王綱左司諫

高伯振並同知貢舉合格奏名進士八百五人

以上續國朝會

高宗建炎二年紹興二年以軍興道梗權宜諸路類

試

事見雜錄

紹興五年六月二十六日以翰林學士孫近知

貢舉給事中廖剛中書舍人劉大中同知貢舉合格奏

名進士樊光遠以下二百一人八年四月二十七日

以翰林學士知制誥朱震知貢舉給事中張敦遠起居

舍人勾龍如淵同知貢舉合格奏名進士黃公度已下

二百一十二人十二年正月二十四日以給事中程

克俊知貢舉中書舍人王銖右諫議大夫羅汝楫同知

貢舉合格奏名進士何溥已下二百五十四人十五

年正月二十四日以右諫議大夫何若知貢舉權吏部

侍郎陳康伯祕書少監游樞同知貢舉合格奏名進士
林棧以下二百三十人 十八年二月十二日以權吏
部侍郎邊知白知貢舉權禮部侍郎周執羔石正言坐
役同知貢舉合格奏名進士徐履以下二百三十二人
二十一年三月七日以禮部侍郎陳誠之知貢舉殿
中侍御史湯允恭石正言章夏同知貢舉合格奏名進
士鄭聞已下二百三十七人 二十四年正月九日以
御史中丞魏師遜知貢舉權禮部侍郎湯思退石正言
鄭仲熊同知貢舉合格奏名進士秦垕以下二百六人
二十七年正月九日以御史中丞湯鵬舉知貢舉中
書舍人王輪起居郎趙達同知貢舉合格奏名進士張

卷一百一十一

宋卿以下二百四十三人 三十年正月九日以御史
中丞朱倬知貢舉右諫議大夫何溥起居郎黃中同知
貢舉合格奏名進士劉朔以下二百五十四人以上中興會要
孝宗隆興元年正月九日以翰林學士承旨洪遵知貢
舉兵部侍郎周葵中書舍人張震同知貢舉合格奏名
進士未待問以下五百六十人 乾道元年二月二十
九日詔曰開學校以育一時之英設科舉以來四方之
俊悉從大比率用三年宜安里選之公各就秋闈之賦
出胄次蘊藏之富應司存程度之嚴與計吏以脩采造
大廷而親策用副虛心之待豈惟好爵之縻當體至懷
勿云故事 二年正月九日以中書舍人蔣芾知貢舉

權戶部侍郎林安宅起居舍人梁克家同知貢舉合格
奏名進士何澹以下四百九十二人 四年三月一日
詔曰蓋聞治道以得賢為首非博採而精鑒之賢矣由
進惟我祖宗以來建學設科以風厲四方之多士取其
尤賢者寘之公卿大夫之列二百餘年間治效昭然視
漢唐有光矣朕祇承洪業夙夜不敢康惟豪傑之士所
在而有常懼其逸遺也三年賓興著在令典有司其為
朕選擇可者令偕計吏升于春官朕將進之大廷詢以
言而試以事焉布告天下使明知朕意 五年正月九
日以吏部尚書兼侍讀兼權翰林學士汪應辰知貢舉
給事中兼侍讀兼直學士院梁克家右諫議大夫兼侍

講陳良祐同知貢舉合格奏名進士方牯以下三百九十人
七年三月一日詔曰朕稽列聖之詒謀本右文而為治每在虛已務在得人遵三年大比之常庶博收於儒效舉四海未遊之彥願敢後於兵興要使無失職之嗟期各懋濟時之畧既嘉言之罔伏宜庶績之咸熙可令有司精覈多士俾偕秋計較藝春官且將親策于廷以盡求賢之道布告天下明體朕懷
八年正月九日以翰林學知制誥兼侍讀王曠知貢舉中書舍人兼同脩國史魚實錄院同脩撰趙雄侍御史李衡同知貢舉合格奏名進士蔡幼學以下三百八十九人
以上會要

宋續會要 貢舉

孝宗淳熙元年二月二日詔曰蓋聞君唯急於求賢國
莫彊於得士校其行藝在周嘗謹於賓興試以文辭至
唐尤備於科舉永念累朝之制具存三歲之常會受郡
英明熙庶續朕祇承體緒丕闡大猷純化懿綱將踵帝
皇之盛通儒碩學尚虞巖穴之遺肆因大比之期率用
有司之典爰加詔諭咸俾朋來業有尔勤爵無予吝諒
渾涵於素蘊當卒勵於宏圖考諸鄉而獻書黨聞定論
造於庭而親策敢緩詳延布告多方使知朕意 二年
正月九日以翰林學士知制誥魚太子詹事兼侍讀王
淮知貢舉給事中胡元質侍御史范仲芑同知貢舉得

合格奏名進士章穎以下二百四十四人 四年二月

一日詔曰朕惟四術以造士三年而興賢崇化厲俗未有或

先於此者粵予涼菲寤寐髦雋郡國詔書凡五下矣期
無愧於前聞有補於當世此豈為虛文也我興言大比
今復其時乃飭故司申諭朕志其各以賢能之書來上
朕將親策于廷使在吾選中者皆足以章明治教振宣
事功豈惟予一人以寧時尔多士亦與有無窮之聞

五年正月七日以權禮部尚書范成大知貢舉試尚書

刑部侍郎兼侍講程大昌試右諫議大夫蕭燧同知貢

舉得合格奏奏名進士黃渙以下二百二十六人 七年

二月二日詔曰蓋聞人材衆而邦國寧儒術行而治化

美思皇多士周並命於六卿間出異人漢旁開於數路
洪惟聖代丕闡文風既通才碩學之攸興乃鉅德元勲
之相望逮予菲質率是彛章屬覽有司之陳當修貢士
之制爰加詔諭咸俾言揚獻賢能之書儻精求而上達
陳治安之策庶延進以周詢豈襲虛文尚圖實用布告
中外明識朕懷 八年正月八日以吏部尚書兼侍讀
兼修玉牒官王希呂知貢舉禮部侍郎鄭丙侍御史黃
洽同知貢舉得合格奏名進士俞烈以下三百人 十
年三月一日詔曰國家側席竢賢闢門籲俊三年大比
倣周制之賓興百郡群招集漢科之茂異咸副明明之
選用隆濟濟之風歲屬啓於舉闈求弥先於藝實俾升

名於外府仍論秀於春官朕將延對大庭周詢上務庶
博收於翹彥期協濟於功業召庶邦爾体予至意 十一
年正月九日以戶部尚書兼侍讀王佐知貢舉中書舍
人兼侍講王蘭右正言蔣繼周同知貢舉得合格奏名
進士邵康以下二百四十六人 十三年二月四日詔
曰周以三年而考藝禮重賢能之興漢由數路而得人
制嚴郡國之選粵我朝之取士參前代之設科崇太常
講勸之功廣司馬論升之法網羅該備秀茂羣臻自朕
初元再涉周星之紀若時常憲八登鄉老之書菁菁方
喜於人材濟濟盖生於王國屬當大比敢後旁招飭秋
計以偕來即春官而明試公卿多文學之士要皆出於

此塗英俊陳治平之原將更勤於親策勉修素業期副
至懷 十四年正月二十日以翰林學士知制誥兼侍
講兼修國史洪邁知貢舉權刑部尚書兼侍講兼太子
詹事葛邲右諫議大夫陳賁同知貢舉得合格奏名進
士湯壽以下二百七十九人 十六年正月二十六日
詔曰國家以科目取士以三歲賓興得人之盛視古亡
愧朕謹守成法靡所變更故於大比之年首下詳延之
令非真應故事為文具而已夫奔軼絕塵之才或寔於
聲律窮經嗜右之士或昧於世務宜令有司考覈其長
吏二千石以時勸駕俾預計偕朕將試之春官親策于
庭拔其尤異縻以好爵布告天下使明知之

以上孝淳宗會要

熙十六年二月四日登極赦應舉人除犯徒已上及真
決人外其餘因事殿舉及不得入科場之人雖有不以
赦降原免指揮可並許應舉 八月二十九日臣僚言
四川進士及宗子該遇覃霈補授觀其所陳之詞多係
當得之人求其所據之籍則無可考之迹蓋緣四川去
朝廷遠貢籍不以時至或全舉不申或累年未到或有
正解之名而無免解之數與行在省試之籍不同移文
取會動淹歲月待報之人未免失所乞下川蜀將省部
見行取會文字日下供報其合發貢籍遵依條令速申
省部從之 九月二十一日右諫議大夫何澹言竊惟
國家三歲一舉士事體不輕四方士子衝冒嚴寒引試

之時春令尚淺間遇風雪則筆硯冰凍終日呵筆書字不成縱有長才莫克展布年高之人至有不能終場者今欲展半月定以二月一日引試從之

紹熙三年十一月亦如之

月二十五日詔自今歲試闌六經義並不許出闕題亦不得摘取上下經文不相貫者為題先是以國子祭酒沈揆言六經自有大旨坦明正道不容穿鑿闕題既摘經語必須大旨相近今秋諸郡解試有書義題用在璇璣玉衡以齋七政闕舞干羽于兩階七旬有苗格者據此題目判然二事畧不附近豈可相關謬妄如期傳者嗤笑此則闕題之弊有易義題云時乘六龍以御天也雲行雨施天下平也至此當止矣而試官復摘下文君

子以成德為行相連為題據此一句其義自連下文若
止已上四句為題有何不可此則命題好異之弊宰執
進呈上日出題礙理誠不可不革見說近時科文格卑
陋將來省試須是精擇試官故有是命 紹熙元年正
月十四日詔臨安府免解人令禮部貢院令項考校具
終場人數取旨量行取放元審實不當官趙汝忱降兩
資放罷既而以臣僚言近早士風不競應舉者皆庸陋
陳乞恩澤遂至兩終場而得免者數百人係學官得
免者又數百人例皆計屬府學學司部為干照皆得預
免畧與錄則士類宜不羞與為伍故自是命 二十四
日以吏部尚書兼侍講鄭僑知貢舉右諫議大夫兼侍
講何澹權尚書吏禮侍郎陳騏同知貢舉得合格奏名

進士湯瑋以下五百五十七人 五月二十四日臣僚
言貢舉條制最為嚴密向使有司一一舉行必無輕犯
條制者謂如結保必須相識使其人果是庸繆或假手
以得解或多資以經營或挾人以同行為相識者豈不
知之然而同保之罰不行故輕易與之結保此當嚴者
一也保官必須批書印紙使其人果偽冒或不相諳委
或所牒大多自合審細然而保官之罰不行故輕易與
之為保此當嚴者二也所差簾外官如封彌監門必得
精明稍有力量之人庶可檢柅吏姦內封弥官尤為緊
切仍須兩員同共機察臣竊聞封弥官亦有周旋親故
之弊或取他人文卷之佳者改移入親故卷內若得兩

員庶相牽制此當嚴者三也所差巡邏之人必令皇城司揀選不生事而亦不敢為姦弊者庶免及為道地此當嚴者四也其騰錄人自今湏十名為一甲並要親身不和顧代名如有代名之人許甲內自陳其不首者他日事發並同犯人坐罪從之 七月十八日宰執進呈禮部侍郎兼直學士院兼權給事中李獻中書舍人羅點起居舍人兼權中書舍人莫叔光看詳國子司業計衡奏士子科舉一於經義則或不足於詞藻一於詩賦則或不相於理致乞照紹興十三年國子司業高閌條具太學課試及科舉三場之制臣等謂兩科之分其來已久紹興十三年二十七年臣僚申請兼科取士非不

詳盡然皆行之一舉隨即分科蓋緣人材各有所長難以求備勉強取辦終不能精強其所劣併喪所長雖平時場屋有聲之人亦復未免指誚臣等竊謂宜如舊便上曰士人各有所長亦不必拘魚經二年七月十六日禮部尚書李燾言乞下四川自今試院開榜即時委官編輯貢籍詳著本人姓名及三代年甲曾舉不曾終場係與不係試下明白該載發赴省部毋得稽緩庶幾別無隱漏差誤之患免致徒有取會往來之勞從之十一月二十七日南郊赦應舉人因事殿舉及不得入科場之人除犯徒罪以上及貢決未曾改正編管未放逐便人外可並許應舉其枉被刑責人若元斷官司不

為保奏仰諸路監司遇有訴理委官索案看定如實係枉斷即令所屬依條保奏施行 三年二月一日詔曰周家選士命卿大夫賓興而獻其書漢室舉賢詔郡太守身勸而為之駕在禮甚重得人宜多眷惟本朝率用此制每當三年之大比特下一札以詳延肆朕纂承加意搜攬念庠序作成之久必有俊髦而巖穴幽隱之間豈無遺逸茲申諭旨各俾言揚充秋賦以朋來升官而論定大廷親策冀聞忠諫之陳好爵爾臚共赴功名之會庶圖實用式副虛懷 四年正月二十四日以吏部尚書兼侍讀趙汝愚知貢舉給事中黃裳左司諫胡瑒同知貢舉得合格奏名進士徐邦憲以下三百九十六

人 三月八日吏部尚書兼侍讀趙汝愚給事中黃裳
左司諫胡瑛知貢舉畢同班奏事上宣諭曰聞今年取
得人甚好汝愚等奏曰今年所取省試前名偶多得四
方知名之士臣等在貢院多用論策參考是以多得老
成上曰少年輕俊之人往往會做得文字朝廷取人當
先器識所取文字須是典實汝愚等奏曰朝廷設科之
意本是要取人才但看文字氣骨如何若大体好雖有
小疵却自可略即是得人也上以為然 以上光宗會要
文獻通考光
宗初建議者云省闈試士春令尚淺天寒暑短闕過風
雪則硯冰筆凍書字不成縱有鍾材美充展布請展至
二月朔而殿試則於
四月初選日從之

宋續會要 舉士十一

慶元元年正月二十六日內降詔曰古者以德行道藝興賢然惟用於長治後世以經術辭章取士顧乃任於公卿今之選舉已非古之詳古之官使孰與今之寵士生斯世何患遺才粵茲訪落之初尤急親賢之務孰當大比申飭攸司方側席興見晚之嗟諒彈冠起觀光之志其為勸駕以副虛懷 二年三月九日以吏部尚書葉藹知貢舉吏部侍郎倪思古諫議大夫劉德秀同知貢舉得合格奏名進士莫子純以下三百八十八人 四年二月一日詔曰朕惟立國之經尤重取人之制致其德行周莫盛於賓興較以文辭唐益嚴於貢舉肆膺

基統丕迪訓謨嘗循三歲之彛庸廣羣材之彙黜浮崇雅雖加覈於實能言古驗今顧未皇於親覽將謹臨軒之始或多在野之遺爰飭有司式稽大比俾朋偕於秋賦期悉上於春官英俊陳治平之原佇躬垂問郡國選博習之士尚副詳延咨尔多方體予至意 五年三月一日以禮部尚書黃由知貢舉吏部侍郎胡紘侍御史劉三傑同知貢舉得合格奏名進士蘇大璋以下二百五十四人 嘉泰元年二月一日詔曰周室興賢之典必攷德以為先唐家進士之科與明經而並列粵惟我宗稽合前猷內闡膠庠之規外分郡國之學於平時而教詔至大比以言揚繇立制之兼詳故得人而獨盛逮

于菲質率厥舊章念凡科目之求實乃公卿之選思得
潔修之士嘗再下於詔書急聞切直之言既一加於親
策茲屬予恭默之際敢忘尔功名之圖矧天相於邦家
必世多於髦雋薰陶寔久蘊蓄宜豐雖於數路以旁招
取以三年而非數列郡將嚴於勸駕直司毋怠於程能
偕計吏而來當深明於世務有好爵之與斯無靳於尔
靡其以至懷孚于衆聽 二年三月一日以禮部侍郎
未侍問知貢舉起居郎王容右正言施康年同知貢舉
得合格奏名進士傳行簡以下三百二十五人 四年
二月二日詔曰蓋聞自昔帝王勤于求賢而逸於得人
故自即位以來三下賓興之詔英材輩出為國之光永

惟祖宗之洪業任大而守重非賢不乂聖有格言得士者昌古有明訓旁搜博取使巖穴幽隱畢為時用乃當今之上務三年大比彙制具存其勅有司精擇拔其尤者令偕計吏升於春官朕將延對大廷俾陳治安之策而施行之布告天下使明知朕意 開禧元年三月一日以禮部尚書蕭遼知貢舉中書舍人陸俊右諫議大夫李大異禮部侍郎魚直學士院李壁同知貢舉得合格奏名進士林執善以下二百五十九人 三年二月一日詔曰朕宵旰庶政寤寐群英念治今日者匪借異代之賢而習先聖者宜明當世之務粵從臨御屢俾搜揚矧茲多事之時莫若得人之急惟道德之富庠序之

所作成賢能之書鄉閭之所推擇屬當大比其悉上聞
佇陳治平之元式赴功名之會彊學待聞諫樂聲於忠
嘉量材授官庶協圖於康濟咨尔多士體予至懷嘉
定元年三月一日以吏部尚書兼翰林學士樓鑰知貢
舉兵部尚書倪思中書舍人蔡幼學右諫議大夫葉時
同知貢舉得合格奏名進士宋倚以下二百七十三人
三年二月一日詔曰朕惟我祖宗張設科目以網羅
天下之彥厯臣碩輔多此塗出庶幾序三代選舉之意
朕以涼菲獲承丕緒所興共天位治天職者非一時賢
士大夫庶故自踐阼以來凡數下賓興之詔思得英傑
協圖康功然而士氣堙鬱未獲盡伸文侔萎蕩未克復

古朕方注懷人物加意作成惟淵源醇正之學是崇惟
直亮鯁切之言是用四海之士聞風興起既有日矣今
茲大比尔多士其各行所韞試於有司賢書來上朕將
親策於廷以備器使詩不云序鸞飛戾天魚躍於淵豈
弟君子遐不作人朕之激昂士類蓋與周之先王同出
一揆尔多士其可不勉自澡濯以副朕招徠之意庠
四年三月一日以吏部侍郎汪達知貢舉吏部侍郎劉
槃禮部侍郎曾從龍左司諫范之柔同知貢舉得格奏
名進士周端朝以下二百五十五人 六年二月一日
詔曰朕寤寐髦雋協濟治功即位以來下賓興之詔凡
六矣濟濟多士布列中外因其材而器使之蓋庶幾古

者數奏明試之意豈直為文具循故事而已哉夫上以
實用求下必以實材應今茲大比郡有司其精加考覈
令與計偕經術惟正論是崇詞章惟典雅是尚毋為曲
學毋事虛文朕將試之春官拔其尤者親策於廷異時
出長入治皆繇此其選為各務搜揚以稱朕意 七年
三月一日以刑部尚書曾從龍知貢舉禮部侍郎范之
柔左諫議大夫鄭昭先刑部侍郎劉煥同知貢舉得合
格格奏名進士姚宏中以下二百七十人 九年二月
一日詔曰周當大比必登鄉老之書唐設衆科尤貴進
士之選非賢不乂振古如茲仰惟列聖之詒謀事嚴三
歲之成法肆菲涼之嗣服賴髦雋以圖功將再紀於周

星七啟於詔旨思皇多士為王國以克生歆乃攸司俾
文闡之精覈經術宜通於縉粵詞章毋尚於浮華偕秋
計以朋來升春官而論定大廷親策樂聽讜言好爵爾
縻庶收實用式佇觀光之盛更有勸駕之勤告尔多方
體予至意 十年三月一日以兵部尚書黃疇若知貢
舉工部尚書任希夷右諫議大夫黃序禮部侍郎秦燮
同知貢舉得合格奏名進士陳垣以下二百六十九人
十二年正月十五日詔曰國家迪三歲之彛章額四
方之衆俊大比重賓興之舉踵周家選士之規名臣由
科目而升邁唐室得人之盛肆朕纂國之久深勤側席
之思已八啓於文闡悉朋來於時彥屬秋賦俾與計偕

爰申飭於攸司其益加於精擇必得賢能之實一惟程
度之公爾遂觀光克赴功名之會朕將親策樂聞忠諫
之言豈惟好爵之與縻庶獲群材而並用叶圖康濟迄
底隆平咨爾庶邦體予至意 十三年正月二十二日

詔將臺諫同知貢舉一員改作監試

詳見
雜錄

三月一日以

吏部侍郎宣繒知貢舉右諫大夫俞應符充監試禮部

侍郎楊汝明起居舍人李安行同知貢舉得合格奏名

進士邱大發以下二百七十人 十五年二月一日詔

曰漢崇經術群士並興唐重詞章名臣輩出於皇昭代
參用前猷設科目以待天下之賢法雖殊於里選用文
藝而考人才之入制猶近於言揚肆朕丕承屢當大比

實

矧事功方新之日政英髦思奮之秋命方國以傍搜飭
有司而精覈先器識而黜浮華之習尚理義而振萎蘭
之風毋以議論正大為迂毋以指陳剴切為激俟登名
於天府將親策於昕庭庶得光明俊偉之材式副寤寐
招徠之意 十六年三月一日以吏部侍郎程秘知貢
舉左諫議大夫朱端常監試權刑部侍郎朱著起居舍
人鄭自誠同知貢舉得合格奏名進士王胄以下三百
六十一人

以上字
宗會要

貢舉

進士科

太祖開寶五年閏二月三日禮部奏名合格進士安守亮及諸科二十八人帝詔對於講武殿始下詔放榜新制也 八年三月十八日賜及第進士王嗣宗等錢百千令宴樂 太宗太平興國二年正月八日宴新及第進士呂蒙正等於開寶寺仍賜御詩二首以寵之 故事吏部放榜後敕下之日醵錢於曲江為聞喜之飲近代多於名園佛廟至是官為供帳為盛集焉 初十日

賜新及第進士諸科綠袍韡笏時未命官先解褐非常制也 三月二十三日詔新及第進士呂蒙正以下第

一等為將作監丞第二等為大理評士並通判諸州各賜錢二十萬同出身以下免選注初等幕職判司簿尉

二年九月初二日賜新及第進士胡旦已下綠袍韡

笏

自是以
為定制

十一月二十日以新及第進士胡旦田錫

趙昌言李穀並為將作監丞崔策等七十人並為大理

評事通判諸州事及諸州監當 五年閏正月十四日

賜新及第進士宴於迎春苑 五月初一日以新及第

進士蘇易簡二十三人並為將作監丞充諸道通判餘

為大理評事知縣顏明遠劉昌言張觀樂史以見任官

赴舉並授節度掌書記 八月四月初二日賜新及第
進士宴於瓊林苑自是遂為定制七月初五日以及第
進士王世則第一十人並為大理評事知縣錄事參軍
又以第二等進士吳鉉為大理評事史館勘書 鉉常
重定切韻及殿試日捧以獻既中第因令隸史館校定
書字 雍熙二年三月二十日賜新及第進士御製詩
二首四月十二日以新及第進士第一等梁顥等二十
一人為節度觀察推官第二等第三等諸科三等人令
吏部依常調注擬 端拱二年三月二十五日賜新及
第進士御製箴一首四月初八日以新及第進士第一
人陳堯叟第二人曾會並為光祿寺丞直史館第三人

姚揆為潁州團練推官後數日以揆恩命未優改曹州
觀察推官 淳化三年三月初九日賜新及第進士御
製詩儒行箴各一首 十五日詔新及第進士及諸科
貢舉人儒行篇各一軸令至所著於壁以代座右之誠
三人九經高丙並為大理評事知縣 景德二年二
月十四日宴新及第進士李迪等於瓊林苑召附榜王
矩預焉是晚驟雨特旨聽宿苑中詔以迪為將作監丞
第二人夏侯麟第三人李諮為大理評事並通判諸州
第一等并九經第一人試祕書省校書郎知縣第二等
已下判司簿尉其河北特放及第第一至第三人與節
察推官餘如第二等注官六月初八日賜新及第進士

范昭馬至已下御製詩各一首 大中祥符元年三月
十六日詔應登科人並庭賜綠袍鞞笏先是謝恩日釋
褐今特優之 五月初一日以新及第進士第一人姚
暉為將作監丞第二人祖士衡第三人鄭向為大理評
事並通判諸州第四五人為節察推官餘如景德二年
之例 二年七月十九日以新及第進士第一人梁固
將作監丞第二人宋程第三人麻溫舒為大理評事通
諸州第四第五人為節察推官餘為試校書郎知縣判
司簿尉 四年十二月初一日以新及第進士第一人
張師德為將作監丞第二人丁度第三人陳寬為大理
評事通判諸州餘授官如東封之例 五年四月初八

日詔新及第進士徐頤已下授官守選如元年之例
七年九月十一日詔新及第進士張觀已下授官 二
十二日詔第一人孫何第二人朱台符為將作監丞第
三人路振第四人丁謂為大理評事仍通判諸州第五
人任隨已下吏部流內銓注初等職事官并兩畿簿尉
賓貢王彬崔罕並授秘書郎校書郎於歸高麗 真宗
咸平元年五月十六日以禮部及第進士孫瑾黃宗旦
朱嚴並為防團推官餘悉授判司簿尉 二年五月九
日詔禮部新及第進士孫暨等特免選注官 時帝問
宰相選幾何張齊賢曰進士五選集禮傳法經學究五
選或七選集特令各免選與官 三年四月二十三日

賜新及第進士御製五七言詩二首

自此後每所

二十

七日以新及第進士第一人陳堯咨第二人周起第三人胡用第四人宋葵第五人李穎鎖聽人李經並為將作監丞通判諸州第一等四十二人并九經關頭為大理評事知縣第二等節察推官第三等初幕職餘判司簿尉試御令歸鄉守選

六月五日宴新及第進士齊

華等於瓊林苑帝作詩賜之十日賜以綠袍鞞笏

五

年四月十八日以新及第進士第一人王曾第二人陳

知微第三人李天錫第四人王隨第五人孫冲並為將

作監丞通判諸州夏煥等三十三人九經高丙並為大

理評事知縣

景德二年四月十四日宴新及第進士李迪等
於瓊林苑召附榜王矩預馬是晚驟雨特旨聽宿苑中
詔以迪為將作監丞第二人夏候麟第三人李諮為大
理評事並通判諸州第一等并九經第一人試秘書省
校書郎知縣第二等以下判司簿尉其河北特放及第
第一至第三人與節察推官餘如第二等注官 六月
初八日賜新及第進士范士照馬至已下御製詩各一
首 大中祥符元年三月十六日詔應登科人並處賜
綠袍鞞笏先是謝恩日釋褐今特優之 五月初六日
以新及第進士第一人姚曄為將作監丞第二人祖士

衡第三人鄭向為大理評事並通判諸州第四第五人
為節察推官餘如景德二年之例 二年七月十九日
以新及第進士第一人梁固為將軍監丞第二人宋程
第三人麻溫舒為大理評事通判諸州第四第五人為
節察推官餘為試校書郎知縣判司簿尉 四年十二
月初一日以新及第進士第一人張師德為將作監丞
第二人丁度第三人陳寬為大理評事通判諸州餘授
官如東封之例 五年四月初八日詔新及第進士徐
奭已下授官守選如元年之制 七年九月十一日詔
新及第進士張觀以下授官如汾陰之制

隆二年
例下

尺中祥符二年七月十一日遣入內都知鄧永遷賜新
及第進士梁固等宴于瓊林苑帝作五言六韻詩賜之
時學士楊億請朝假諭旨令赴 寄書中使徐鉉無大典春

八年四
月十一日詔新及第進士蔡齊已下授官守選如五年

之制 天禧元年四月四日詔新及第進士王整已下
授官守選如大中祥符之制 四年九月二十三日翰
林學士劉筠等試到諸州軍續解進士姚隨等十九人
奉職周普等二十九人借職何從易等八人當授諸州
長馬特補借職並與家便差遣帝曰此皆孤寒之士應
舉年深俾之效官必能幹事 仁宗天聖二年四月七
日宴新及第進士于瓊林苑詔翰林龍圖閣直學士直
館已上並赴 八月詔新及第進士第一人宋郊為大
理評事通判廬州第二人葉清臣第三人鄭戡為奉禮
郎僉書諸州兩使判官公事第四第五人節察推官餘
初等職官判司簿尉 五年四月十八日詔新及第進

士王堯臣等五人為將作監丞通判諸州第一甲三十人并九經第一人為大理評事知縣第二甲節察推官第三甲初等幕職官餘判司簿尉并續放進士孟楷等餘試御令守選長吏已下各歸逐處 二十一日賜新及第中庸一篇 八年四月初二日詔新及第進士第一人王拱辰為將作監丞第二人劉況第三人孫抃為大理評事並通判諸州第四第五人為大理評事並銓書節度判官事餘至第二甲並銓注職官第三甲以下皆判司簿尉四日賜新及第進士大學一篇自後與中庸間賜著為例 景祐元年四月十八日詔新及第進士第一人張唐卿第二人楊察第三人徐綬並為將作

簿尉

卷五十六

十

監丞通判諸州第四人苗振第五人作中立並大理評事僉書諸州節度判官事第六人已下並為祕書省校書郎知縣第二甲為兩職官第三甲為初等職官第四甲為試御判司簿尉第五甲為判司簿尉九經第一人為國子監主簿知縣第三人初等職官餘注判司簿尉錄廳及第高賦等二十六人迁官有差 五年四月十一日詔新及進士第一人呂濬為將作監丞第二人李絢第三祖無澤為大理評事諸州通判第四人石揚休第五人王昇為兩使職官第六人司馬光已下初等職官第二甲試御簿尉第三甲判司簿尉第四甲特免選判司簿 慶歷二年四月二十三日詔新及第進士第

一人楊寘為將作監丞第二人王珪為大理評事第三人韓絳為太子中允並通判第四人王安石為校書郎第五人曾公定為奉禮郎並僉書諸州判官事第六人已下兩使職官第二甲初等職官第三甲試銜知縣第三甲試銜簿尉第五甲判司簿尉錄廳人第一甲京朝官轉官選人進下京官第二甲京官下使推官後任升陟選人兩使推官第三甲京官僉書諸州判官選人初等職官第四甲京官家便知縣後任僉書諸州官選人試銜知縣第五甲京官家便知縣選人試銜知縣九經第一人兩使推官諸科並注判司簿尉六年五月一日以新及第進士第一人賈黯為將作監丞第二人劉

敝第三人謝仲弓並為大理評事通判諸州第四人張
諒第五人孫坦為秘書省校書郎並僉書兩使判官公
事第六人已下為兩使推官第二甲為初等職官第三
甲并諸科並為判司簿尉第四甲已下并諸科同出身
並守選 皇祐元年四月初七日以新及第進士第一
人馮京為將作監丞第二人沈達第三人錢公輔為大
理評通判諸州第四人李育第五人文同為兩使職官
第六人而下並為初等幕職官第二甲為試街大縣主
簿尉第三甲為判司簿尉第四甲與諸科為判司簿尉
第五甲守選 三年五月初一日以新及第進士第一
人鄭獬為將作監丞第二人楊繪第三人滕甫並為大

理評事通判諸州第四人雍子方第五人宇文之奇並
為兩使職官第六人而下并九經及第並為初等幕職
官第二甲為試銜大縣主簿尉第三甲第四甲試銜並
判司主簿尉第四甲已下及諸科同出身並守選 嘉
祐二年五月四日以新及第進士第一人章衡為將作
監丞第二人竇卞第三人羅愷並為大理評事通判諸
州第四人鄭雍第五人朱初平並並為兩使幕職官第
六人已下及九經及第並為初等幕職第二甲為試銜
大縣簿尉第三第四甲試銜判司簿尉第五甲及諸科
同出身並守選 四年五月初三日以新及第進士第
一人劉焯為大理評事僉書河中府觀察判官公事第

二人胡宗愈第三人安燾為兩使幕職官第四人劉摯
第五人章惇並試銜知縣第六人已下并九經明經及
第並為試銜大郡判司大縣主簿第二甲並試銜判司
主簿尉諸科並判司簿尉第五甲并諸科同出身並守
選 六年四月二十二日以新及第進士第一人王俊
民為大理評事僉書武軍節度判官公事第二人陳睦
兩使幕職官第三人鏐廳將作監主簿王陟臣為太常
寺奉禮郎簽書高郵軍判官廳公事第四人任貫第五
人黃履並為試銜知縣第六人已下明九經及第並為
試銜大郡判司大縣主簿尉第二甲至第四甲並為試
銜判司簿尉第五甲并諸科同出身並守選 八年四

四十一日以新及第進士第一人許將為大理評事僉書奉國軍節度判官廳公事第二人陳軒第三人左仲通為兩使幕職官第四人范祖禹第五人龔原試校書郎知縣餘進士明經諸科及第人皆以為判司簿尉出身人皆守選 英宗治平二年二月詔南省合格進士已降敕及著白襴重戴絲鞭其進士二十四日於興國寺東經藏院諸科於相國寺東經藏院期集擇日於閣門賜綠袍謝恩 三月初九日知貢舉馮京等引新賜及第進士彭汝礪已下詣垂拱殿見謝恩退詣東上閤門釋褐仍詔罷聞喜宴十一日詔彭汝礪薛向賈昌朝宋煥為初等幕職官杜常等及明經諸科皆以判司簿

尉出身人守選

治平四年

神宗即位未改元

三月二

十二日以新及第進士許安世何洵直郭儀並與防禦

團練推官黃降并明九經及第并注試銜判司簿尉諸

科及第并註判司簿尉進士第四甲等明經諸科出

身並令守選 神宗熙寧二年十二月九日詔令後

制科入第五等進士第一人及第者一任回更不與升

通判差遣及不試充館職並令審官院依例與差遣餘

如嘉祐詔書 三年三月詔新及第進士葉祖洽已下

授官守選如嘉祐八年之制 四年三月一日詔應進

士第一第二等賜及第第三等出身六年三月詔新及

第進士余忠以下授官守選如三年之制 十八日詔

新及第進士賜錢三千貫諸科七百貫各充期集友費
進士諸科舊以甲次高下率錢期集貧者或稱貸於人
過為浮費至是始廢之二十三日詔新及第進士諸科
等舉人間喜宴差近上內臣一員押賜二十四日詔新
進士諸科并特奏名賜同出身及授試監簿長史文學
助教等並放謝辭正衙如便欲歸鄉不願赴聞喜宴者
聽 四月八日詔新及第進士諸科及第一人入謝免銀
故事既賜第詣門謝恩進銀百兩至是罷之 八年七月二十三日詔今後
進士及第自第一名以下並試律令大義斷案據等第
注官試法 九年三月二十一日詔新及第進士徐鐸
以下授官守選如六年之制 二十三日詔賜新及第

進士錢百貫文諸科錢二百貫文即造小錄等支用以
修貢舉敕式練亨甫奏熙寧六年敕賜及第進士期集
錢三千貫諸科七百貫今罷期集又特賜之 二十六
日詔新進士於舊法不該守選人特與免試注合入官
候回日依近降指揮施行 四月五日詔貢院新賜進
士諸科期集錢如的確合用不足仰本院公用錢相貼
支用 元豐二年三月二十八日詔新進士依舊式賜
錢五百千諸科三百千 四月十二日詔新賜進士及
第自經出身依熙寧六年推恩命御史中丞蔡確同判
流內選官注擬 五月二十八日詔進士諸科新及第
人免試刑法 八年五月十日詔科場推恩依治平四

年故事正奏名進士諸科吏部給敕牒特奏名中書給
勅告勅牒 哲宗元祐三年三月二十七日增賜進士
錢百萬酒五百壺為期集費 四月二日以御試中選
進士杜藻昭憲太后族孫特授初等職官令占射差遣
五月十一日進士及第李常寧為宣義郎僉書鎮海
軍節度判官廳公事呂益柔為承事郎僉書保信軍節
度判官廳公事龔史為承事郎僉書河南節度判官廳
公事 四年正月十三日詔賜聞喜宴許帶職人並赴
從崇政殿說書顏復請也 六年六月九日詔及第進
士馮洎為承事郎簽書雄武軍節度判官朱紱為忠正
軍節度推官張廷堅為成都府觀察推官 紹聖元年

四月四日詔今次科場第一人與宣義郎簽書大都判
官公事第二第三人承事郎知縣第四第五人兩使職
官第一甲初入等職官第二甲以下依見行推恩條以
及第進士畢漸為左宣義郎簽書山南東道節度判官
趙諗左承事知彭州九隴縣令岑穰為左承事郎知韻
昌府長葛縣 二年十月九日太常少卿王子韶言奉
禮部陳覺民於熙寧七年選中國子監上舍生登科是
時第五甲賜同學究出身欲望用丁執古等免省試陞
甲恩例改賜本官出身詔陳覺民特依陞甲例與當年
第四甲同進士出身四月二月二十三日三省言特奏
名進士自今第一等上同諸科出身第一等中下假承

務郎第二等上中下京府助教依舊注官兩等通不過
二三人第三等上中下上州文學第四等上中下下州
文學遇赦見年六十已下堪釐務者許自本州縣保明
申轉運司本司保明申吏部召陞朝官三員奏舉注權
入官所取通不得過八十人第五等上中下下州助教
犯不考式攝助教以上更不許出官特奏名諸科第一
等假承務郎第二等京府助教依舊注官兩等通不得
過十五人第三四等推恩及餘悉如特奏名進士例從
之元符三年徽宗已卯
位未改元四月二十一日詔特奏名進
士諸科補授諸州助教許遇赦召保注權入官如文學
例徽宗崇寧元年十月二日詔今後特奏名進士諸

科並依紹聖四年二月二十三日指揮并元符令施行
內州助教改為諸州參軍仍依州助教不許出官政和
二年四月二十四日禮部言崇寧貢舉通用令諸舉人
已唱第賜聞喜宴於瓊林苑諸貢士已推恩賜聞喜宴
於辟雍係貢士并宗子上舍與進士同榜釋褐所有賜
宴恐合就瓊林苑并差押賜官詔用四月二十九日於
瓊林苑賜宴差鄭詳押賜 六月二十二日中書言文
林郎劉敦詩奏大觀二年貢士第二名及第已依進士
第二名恩例授文郎訖伏望比附進士上三名一任回
改官條例勘會故事進士及第一任替回自來未有推
恩條例今擬貢士及第一任回第三至五人 各循一

資從之 五年三月二十三日詔貢進士何鼎等依令
賜錢一千五百貫外特添賜錢五百貫文是歲何鼎除
校書郎 六年四月二十日詔賜戚瑞以下聞喜宴於
辟雍知舉官慕容彥達押宴 八年四月五日詔上舍
唱名訖准令賜錢一千七百貫文可添賜錢七百貫文
五月九日詔同年小錄上用第一人皇子加王楷字
德遠宣和元年四月二十三日禮部奏據辟雍申契勘
貢士等已推恩了當所有賜日分并押宴官伏乞朝廷
速賜施行 三年五月十三日賜及第貢士聞喜宴于
瓊林苑特降中使賜御製詩 六年四月十八日詔狀
元沈晦以下及第依令賜錢一千七百貫文添賜錢五

百貫文 二十六日賜狀元沈晦以下聞喜宴於瓊林苑 高宗皇帝建炎二年九月十六日詔狀元李易以下依例賜錢一千七百貫文 二十一日李易等言乞權罷聞喜宴從之自後五舉皆免宴 十月詔以進士及第第一名李易為左宣教郎簽書江陰軍判官廳公事第二第三人為左宣義郎第四第五人為左儒林郎第一甲第六人以下為左文林郎第二甲並為左從事郎 紹興二年四月十五日詔同進士出身人與特免銓試一次 五月六日詔張九成係類試第一名合陞一甲唱名又係第一甲第一名可特轉一官授左宣教郎簽書鎮東軍節度判官廳公事 同日詔正奏名進

士范寅省楊愿孫朝彥張庭寔嚴習己王宣哲係有官人未曾推恩各與轉一官內選人循一資仍占射差遣

六月七日臣僚言伏見今歲廷試人如同進士免銓試文學免歸本貫許於行在次第保明參選入減其舉官之數諸州助教依文學出官皆援楊州初勝恩例其甚至於有官人登科盡令循轉官資占射差遣皆前次所未有欲乞今後科舉廷試恩數並依舊制從之 七月九日臣僚言伏見近詔特奏名進士第一名添為教官格今年新榜第一等四人賜進士及第同進士出身並權許指射教官一次尤為僥倖欲望追寢以厭公論從之十二月十七日知樞密院事宣撫處置使張浚言

遵依詔旨選官就成州鑠院類試陝西路發解舉人考
到合格周模等一十三人已恭依便宜聖訓等一名特
賜進士出身餘並特賜同進士出身詔依令尚書省
給降敕牒 五年四月二十三日權吏部侍郎兼權尚
書晏敦復等言本選舊法初及第出身擬官格上舍第
二第三人文林郎上舍第四第五人從事郎紹興二年
閏四月集注黃甲正奏名第二人至第五人皆依舊法
擬官欲乞將格內上舍字改作進士字從之 七月十
九日殿中侍御史謝祖信言此次陛下策多士於維揚
將入助教人並依下州文學特理選限紹興二年復援
此例其後星變肆赦入以不曾赴試者亦許自陳緣此

冒恩者衆至如前榜有官登科循轉官資同進士出身
並免銓試皆非舊典竇啟倖門今選人在部未有差遺
者近六百人緣格留黃甲策闕無可擬擬今若在末甲
人與免銓試助教人復依下州文學恩例注官則加惠
惠於新進而在部之人何罪馬乞下侍郎尤選除指留
黃甲策闕外將其餘一面注擬在部選人庶免留滯之
歎從之 九月五日上御射殿筆執呈黃中策卷第一
係有官人上曰故事如何沈與求曰臣聞皇祐元年沈
文通考中御試進士第一人係有官人仁宗曰朕不欲
以世胄先天下寒俊遂以馮京為第一文通第二上曰
可用此故事遂擢汪洋為第一十九日勅進士及第汪

十二年○五月
音○十月

十二年○五月
音○十月

洋言名係遠祖諱乞改名詔改名應辰 二十四日勅
賜進士出身鄭厚言乞詞免唱名日循兩資陞權差遣
恩命詔下許 十月賜進士第進士汪應辰以下中庸
篇 十二年賜陳誠之以下周官 五日臣僚言准令
初入官人所在州保名正身給公據赴任經所屬令次
第五甲出身人參選權免出給公據止許結保參部從
之 六日詔以及第進士第一人汪應辰左承事郎登
書鎮東車節度判官廳公事十一月十九日詔川陝類
試過省第一人特賜進士及第與依行在殿試第三人
恩例餘並賜同進士出身仍令川陝宣撫司開具姓名
申尚書省給勅牒 十八年八月八日禮部言四川省

試高等人為見先有推恩等第慮御試却致低甲往往在路遽延不肯前來赴試欲將四川類試合格人第一等並賜進士出身餘並賜同進士出身今後依此從之

八年七月十三日吏部言今年六月十六日勅禮部將貢院省榜正特奏名進士等分為五甲乞朝廷給降敕牒從之同日禮部言依條格初及第擬官進士第

一人左承事郎簽書節度或觀察判官廳公事今來黃公度係與李奎榜事體一同本部案牘燒毀無憑契勘會得李奎同榜人倉部員外郎高儼稱元符三年狀元李谷係就吏部黃甲榜上注授定州觀察判官是時未有選人七資法第二第三名各得初等職官第四第五

名各得初等令錄其元注擬差遣各已遺忘詔黃公度
持補左承事郎簽書平海軍節度判官廳公事 九年
正月五日新復河南州軍赦自祖宗朝諒陰中特奏名
進士五等人並許出官今來紹興八年特奏名進士試
在第五等人並與特依下州文學恩例施行 七月二
十六日左迪功郎趙善時狀係無官宗子應舉過省竊
見沈晦榜初罷三舍改科舉宗子無官應舉補修職郎
今若只補迪功郎是與庶姓進士一同望特賜改正從
之其後有司以渡江散失條法每舉循例推恩 十二
年五月二日詔以及第進士第一人陳誠之為左承事
郎簽書鎮東軍節度判官廳公事 同日詔及第進士

十五年等四
條移此
十五年上

秦燾許用第一人恩例轉三官為左朝奉郎添差通判
臨安府仍賜章服燾本第一人第一人以父檜辭免除
為二二人以省試上十名與第一人恩例吏部言燾元
係右通直郎已用舉主考第闕陞知縣資序故有是命
九月十四日詔川陝類試正奏名來行在赴殿試
不及賜同進士出身人與免銓試從禮部侍郎施垌之
請也 十五年五月四日詔以及第進士第一人劉章
為左承事郎簽書鎮東軍節度判官廳公事十七年十
一月禮部侍郎周執羔言舊制御試進士已唱第畢賜
聞喜宴於瓊林院舍法行改賜于辟廂宣和間復置科
舉而瓊林之宴亦因以復馬車駕移蹕以來士子申陳

七年八月條
移此至年上

免賜因循六大比矣乞舉行舊治賜聞喜宴于禮部貢
院從之 十八年五月二十七日詔以及第進士第一
名王佐為左承事郎簽書平江軍節度判官廳公事第
二人董德元為左承事郎簽書鎮南軍節度判官廳公
事德元本係第一名以有官降充第二名故有是命
六月三日詔御書石刻儒行篇就聞喜宴賜進士及第
王佐以下人各一本自是每舉遣內侍就聞喜宴賜馬
二十一年賜趙達以下大學二十四年賜張孝祥以下
畢陶謨二十七年賜王十朋以下學記三十年賜梁克
家以下經解 二十四年四月三日詔秦壩轉三官兼
貢錄院修撰許陳訖親屬章服一名壩第一甲等二人

以兩府親屬依第一名恩例吏部乞用秦燧例取旨有
是詔 十五日詔以及第進士第一人張孝祥為左承
事郎簽書鎮東軍節度判官廳公事 二十七年三月
十四日詔正奏名進士從義郎趙不息母曹氏特封咸
安郡夫人以其子殿試合得兩官恩例為請也 四二
二十七日詔以及第進士第一名王十朋為左承事郎
簽書建康軍節度判官廳公事 三十年四月二十四
日詔以及第進士第一名梁克家為左承事簽書平江
軍節度判官廳公事第二名許克昌為左承事郎簽書
奉國軍節度判官廳公事克昌係第一名以有官降充
第二人故有是命壽皇聖帝隆興元年五月一日詔新

及第進士第一人木待問補左承事郎簽書諸州節度
判官事第二人黃洽第三人丘璠四川類試第一人趙
雄並左文林郎兩使職官第四人鄭伯英第五人袁樞
並從事郎初等職官第六人以下至第四甲並左迪功
郎諸州司戶簿尉第五甲守選 乾道二年三月十七
日禮部言今次御試進士龍飛恩例所有等第合推恩
數檢照崇寧二年典故進士霍端友以下分為五甲第
一第二甲並賜及第第三第四並賜進士出身第五甲
賜同進士出身第一人宣義郎第二第三人承事郎第
一甲兩使職官第二甲初等職官特奏名第一人賜進
士及第建炎二年特奏名三人張鴻舉賜及第黎克俞

丘山並賜同進士出身伏乞朝廷詳酌指揮詔正奏名
第一甲第一名宣義郎第二第三人並承事郎第一甲
並文林郎第二甲並從事郎特奏名第一等第一名賜
進士出身 五月詔新及第進士第一人蕭國樑第二
人趙汝愚並補左宣義郎第三人趙燁左郎事郎並簽
書諸州節度判官事第四人陳孔光第五人楊甲以下
並左文林郎兩使職官第二甲並左從事郎等職官第
三甲至第五甲並左迪功郎諸州司戶簿尉第三甲免
試注官汝愚本第一人以宗室且有官故降居次仍與
第一人恩例五年四月十八日詔新及第進士第一人
鄭僑補左承事郎簽書諸州節度判官事第二人石起

宗第三人汪義端並左文林郎兩使職官第四人賈光
祖第五人史俞並左從事郎初等職官第六人至第四
第四甲並左迪功郎諸州司戶簿尉第五甲守選八
年四月十五日賜進士聞喜宴于禮部貢院詔用四月
二月六日是日賜及第進士御書益稷篇先是二十
日上特以御書益稷篇宣示宰執梁克家奏益稷首載
治水播奏艱食事未載君臣更相訓敕之意學者因宸
翰以味經旨必知古人用心矣上語曰如所載無苦丹
朱傲等語見古者君臣警戒之深虞允文曰舜與皋陶
賡歌之辭舜則曰肱肱喜元首起皋陶則曰元首明股
肱良又繼以元首叢脞股肱惰之語君臣之間相稱舉

相弊戒自有次序如此所以能致無為之治也上曰然
此篇首以民之粒食則知務農為治之本至於告臣隣
之言則曰庶頑讒說若不在時候以明之捷以記之又
曰格則承之庸之否則威之是古之聖人待天下之人
未嘗不先之以教及其不格則必以刑威之今為書生
者多事虛文而忽茲二事是亦究聖人之用心也因欲
使知之允文等曰此陛下作成人材救革時弊理意深
遠非臣等智慮所及五月一日詔新及第進士第一
人黃定補左承事郎簽書州節度判官事第二人黃文
第三人劉卞並左文林郎兩使職官第四人王圭第五
人夏臨中並左從事郎初等職官第六人以下至第四

甲並左迪功郎諸州司戶簿尉第五甲守選 淳熙二
年三月二日詔禮部貢院下第舉人進士貢士八舉曾
經省試年四十以上五舉曾經省試年五十以上內河
北河東陝西舉人於逐項舉數內特與各減一舉 同
日詔進士貢士曾經紹興十八年以前到省前後實得
兩解貢或并免解共及兩舉更不限年令禮部勘會并
特與奏名許就殿試 四月四日詔新及第進士第一
人詹騷補承事郎簽書諸州節度判官事第二人羅點
第三人鄧駟並文林郎兩使職官第四人段昌世第五
人李揆並從事郎初等職官第六人以下至第四甲並
迪功郎諸州司戶簿尉第五甲守選 七日詔特奏名

內願射射者聽仍依正奏名比擬推恩 國子監將正
奏名逐等推恩比擬應射藝精熟能全中者聽旨第五
等同射入上等第一名循一資餘免銓試內文學免侍
郊出官入中等一任回不依名次注官內文學候到部
日收使入下一等一門回陞一年名次內文學候到部
收使第射入上等與依下州文學恩列入中等與帶階
官注應格獄廟一次入下等與帶階官注破格獄廟一
次從之 五月九日詔特奏名射不合格人如係第五
等助教並與換下州文學不理選限 先是宣諭執政
曰特奏名第五等若不出官與助教無異因射而與之
亦有名故有是命 十日賜進士聞喜宴于禮部貢院

是日賜新及第進士御製詩一首 十二月十七日慶

壽赦應太上皇帝潛藩州軍進士赴淳熙二年特奏名

試在第五等緣陞降闕該載不盡未霑恩霑令禮部保

明特與陞等恩例應淳熙二年特奏名進士試在第五

等人如年七十以上特與差破格獄廟一次應淳熙二

年特奏名進士已授諸州文學應出官人與減陞朝官

舉主一員便與放行參選淳熙二年赴特奏名進士如

係歸正人試在第五等特與陞等恩例 五年四月一

日詔靜江府崇慶府嚴州並係太上皇帝潛藩其正奏

名特奏名進士依例陞等陞名 十一日詔新及第進

士第一人姚頴補承事郎簽書諸州節度判官事第二

人葉適第三人李寅仲並文林郎兩使職官第四人徐
元德第五人姚祖慶並從事郎初等職官第六人以下
至第四甲並迪功郎諸州司戶簿尉第五甲守選既
而右丞相史浩言以殿試第一名姚穎合得差遣具前
舉唐駘例奏陳擬承事郎簽書寧國軍節度判官廳公
事蒙宣諭不欲令其待闕併前三名皆與添差續奉御
筆添仍釐務三字緣姚穎係臣親戚實有妨嫌不敢擬
進欲望聖慈許姚穎依舊注寧國軍簽判待闕其餘第
二第三名若在部受闕却待遠次欲依已得指揮特與
添差詔依又臣僚言照對添差恩依從來止為宗室戚
里者在令甲續又以此優卹歸正官及職事官補外者

祖宗舊法第一名堂除簽判第二第三名赴吏部注授
職官自南渡以來每舉依此遵守乞申教攸司不得違
戾成法從之 二十四日賜進士開喜宴於禮部貢院
是日賜新及第進士御書旅葵篇 六年二月二十九
日臣僚言乞將特奏名人每三名取一名實在第四等
以前第五人止許納教再試一次特奏名係潛藩州
軍進士及五路人久在學校曾充職事人並與正奏名
恩例止與陞名從之 九月十六日明堂赦昨禮部貢
院下第進士應紹興二十一年以前到省一舉年五十
五十上者已降指揮令本貫州縣驗實結罪保明申乞
推恩慮其間有本貫阻隔致未霑恩如有似此之人許

依開封府國子監進士已降指揮於所在州縣台見任
承務郎以上二員結除名罪安保候當職官除罪保名中
禮部驗實以聞以後部款并十三年八月十二日
詔新及第進士第一人黃由補承事郎簽書節度判官
事第二人王與第三人張伯源並文林郎並使職官第
四人陳希點第五人孫元卿並從事郎初等職官第六
人以下至第四甲並迪功郎諸州司戶簿尉第五甲守
選二十八日禮部言淳熙五年已納教之人係在六
年詳議止許納教一次指揮之前如今來唱入第五等
欲自淳熙八年更與納教一次從之 十一年三月二
十一日奉執進呈赴特奏名試孫時敏等狀乞特奏名

第一卷之三十一

七

人不限納教次數上曰可許納教三次自今舉為始

五月五日賜進士聞喜宴於禮部貢院二十四日詔

新及第進士第一人衛涇補承事郎簽書諸州節度判

官事自二人陳棟第三人王公邁並文林郎兩使職官

第四人邵康第五人林瑑並從事郎初等職官第六人

以下至第四甲並迪功郎諸州司戶簿尉第五甲守選

十三年三月二十四日詔太學上舍生大職事劉愚

等八人兩陞甲一陞名黃穗四不願釋褐賜補赴十一陞甲

兩陞名林彌明一陞甲章斯才等八人不充職事潘子

直並與釋褐賜進士出身給降敕牒袍笏監以禮部國子

上故有是命內願赴十四年殿試者聽十四年五

月四日賜進士聞喜宴於禮部貢院 九日詔新及第
進士第一人王容補承事郎簽書諸州節度判官事第
二人陳元第三人王居安並文林郎兩使職官第四人
蕭達第五人李協並從事郎諸等職官第六人以下至
第四甲並迪功郎諸州司戶簿尉第五甲守選 雜錄

淳熙十一年三月二十一日臣僚言國家言歲科舉
集草茅之士親策於庭所以求言者為甚廣其間豈無
一事之可行然有司一時考試往往多以文未為尚考
在前列者始經御覽其間有言及州郡軍民利病實跡
偶文詞不稱真之下列文雖不工而事則可行往往墜
於上聞陛下亦無自而知之遂失求言之本意識為可

惜乞自今御試正特奏名卷子有倫及州郡軍民利害
事實令初考覆考詳定所各即錄緊要處候唱名日各
類聚以聞仍自今為始庶幾幽枉必達有以副陛下取
士求言之實從之
二十七日侍御史劉言今月
二十三日御試進士暮有未納卷者三人尋聞奉旨
賜燭仰見陛下所以待過士子之禮至深至厚然三人
者豈不知貢舉之法不許見燭而宮廷之內自有大禁
一時特恩假以須臾猶之可也而最後一名乃遷延至
一更四點方納試卷則其慢令云甚矣此而不懲竊恐
玩習成風寢隳法制理合彈奏乞下御試所將最後納
卷之人取旨責罰降黜施行庶使後來知有警懼從之

四月五日上諭軍機曰殿試上三名舊皆待闕朕今
欲重試以民事可並與添差差遣前此臣僚乞寢罷上
三名添差意亦未盡卿等可議來於是王淮等進呈訖
上曰朕既試以藝文亟欲觀其政事今歲殿試上三名
可特與添差差遣仍詹務淮等奏往日指揮乃唱名後
所以有嫌今先期降旨不知何人得之人亦何言上曰
瓜田不納履李下不整冠事亦須避嫌若先降指揮何
嫌之有十二年十一月二十二日郊祀赦特奏名文
文學依法過赦日年已六十者許二年內參選注權入
官其年六十三歲以上如有舉主三員可權差破格獄
廟一次十三年正月一日慶壽赦十同日郊祀赦應進

士年五十以上五舉到省合赴淳熙十一年特奏名殿

試人緣事赴試不及若將來殿試唱名入第四等以上

合補授文學之人雖係年六十以上與理淳熙十一年

年中用今年赦恩各係參選特差獄廟一次

壽赦十五年九月八日明堂赦同十三年四月八日國學特奏名王世

則等狀伏覩淳熙十三年正月一日慶壽赦恩由一項

應淳熙十一年赴特奏名試在第五等如係國學臨安

府進士特與差獄廟一次諸州進士與破格獄廟今來

世則等各係赴淳熙十一年特奏名試在第五等之人

並準教授福州助教已經禮部繳納所授助教訖今來

各不願赴淳熙十四日殿試者聽十四年四月二十

五日率執進呈特奏名進士習射射儀王淮等奏人數
比之前舉頗多上曰若人數增多甚好前此初行進士
射射人亦云云以爲兒戲今却人皆相尚亦可喜淮等
奏射者古人常事後世乃廢而不講今射者增多亦激
勸所致 淳熙十六年二月四日登極敕應臨安府府
學大小職事並本府曾得解進士與免解一次已曾免
解人候登第日與陞甲如就特奏名試亦與陞等學生
並賜束帛內該乾道九年以前領尹日在籍之人令本
府取索學籍開具姓名年甲結罪保明申禮部參酌取
旨應臨安府本貫進士在乾道九年領尹以前兩經校
試終場人仰本府取索元初簿籍開具人數縣分年申

結罪保明令禮部審實申尚書省 同日敕榮州恭州
係潛藩舉人理宜推恩可令禮部照應紹興三十二年
體例條具取旨 同日敕應太學國子學武學生見在
籍人並與免文解一次已係免解人候登第日與陞甲
如就特奏名試與與陞等推恩上舍已係免省人特與
先次釋褐賜進士出身內願赴將來殿試者與堂除差
遣一次仍令禮部檢照紹興三十二年體例開具人數
申尚書 同日敕應合該特奏名人令禮部照應紹興
三十二年推恩體例條具取旨 同日敕應國學進士
已經紹興三十二年六月覃恩免解今該再免之人許
理年赴將來特奏名試 閏五月十六日禮部國子監

言敝書內應太學國學武學生見在籍人有未霑被恩
例者本監開具下項一見在籍見充小職事內舍生永
免解各已有陞甲王璞韓桶繆景仁陳詠虞舜卿內韓
桶又有占射差違一次恩例一見在籍內舍生係永免
各有陞甲劉序陳一新張應許濬張大中劉怡蕭國馨
王仁潘宗昭一見在籍外舍國子生係永免解各已有
陞甲人應璚等一百一人照得逐人於本來敕內未有
霑被詔候將來殿試唱名人再與陞甲恩例作陞名收
使紹熙元年四月十八日詔特奏名進士試在第五等
不應出官者為該龍飛恩例並與陞甲等推恩 二十五
日詔新及第進士第一人余復補宣義郎第二人曾漸

第三人王介補承事郎叅書諸州節度判官廳公事第
第四人陸峻以下並補文林郎兩使職官第二甲並補
從事郎初等職官內陳用之為祀廟諱舊諱特補下州
文學第三甲第四甲第五甲並迪功郎諸州司戶簿尉
五月十五日賜進士閻喜宴于禮部貢院是日賜新
及第進士御製詩一首二年十一月二十七日南郊
赦禮部貢院下第進士應隆興元年以前到省一舉年
五十五以上者已降指揮令本貢州縣驗實結罪保明
中乞推恩尚慮其間有本貢阻隔致未霑恩之人許於
所在州縣台見任承務郎以上二員結除名罪安保當
職官同罪保明申禮部驗實以聞與補諸州助教同

日敕昨該遇登極恩敕用舉數推恩補授文學之人與
依龍飛特奏名諸州助教依下州文學恩例之人已得
指揮減陞朝官舉主一員其舉官添舉一人 同日敕
應進士年五十已上五舉到省合赴紹熙元年特奏名
殿試人緣事赴試不及若將來殿試唱名入第四等以
上合補授文學之人雖係年六十以上與理紹興元年
年甲用今年敕恩召保參選特差發廟一次 四年五
月四日詔新及第進士第一人陳亮補承事郎簽書諸
州節度判官廳公事第二人朱膺第三人黃中並文林
郎兩使職官第四人滕強恕第五人楊琛並從事郎如
等職官第六人以下至第四甲並迪功郎諸州司戶簿

據
與
疑
紹
熙
誤

卷之二十一

尉第五甲守選 二十三日賜進士聞喜宴于禮部貢

院是日賜新及第進士御製詩一首 紹興五年七月

七日登極赦應臨安府府學大小職事并本府曾得解

進士各與免文解一次已係免解人候登第日與陞甲

如就特奏名試亦與陞等學生並賜束帛應合該特奏

名人令禮部照應淳熙十六年推恩體例條具取旨

同日赦應國學進士已經淳熙十六年二月覃恩免解

今該再免之人如得熙五年補中至紹熙五年計十五

年以上在籍許理年赴特奏名試 同日赦應太學國

子學武學生見在籍人並與免文解一次已係免解人

候登第日與陞甲如就特奏名試亦與陞等推恩上舍

己係充有人持與先次釋褐賜進士出身內願赴將來
殿試者與堂除差遣一次仍令禮部檢照淳熙十六年
體例開具人數中尚書省 同日赦應潛藩州軍舉人

禮宜推恩可令禮部照應淳熙十六年體例條具取旨

九月十四日明堂赦應舉因事殿舉及不得入科場

之人除犯徒罪以上及真決未曾改正編管未放逐便

人外可並許應舉其枉被刑責人若元斷官司不為保

奏仰諸路監司遇有訴理委官索案看定如實係枉斷

即令所屬依條保奏施行并應因罪押赴州軍聽請人

令所屬具元犯審定保明聞奏候到比類命官編羈管

人理年放還自後郡祀明堂慶元二年五月十二日詔

新及第進士第一人鄧應龍本係官時賜第一名為上一名有

第二人從事郎莫子純本係官時與第一名為上一名有並補承

事郎發書諸州軍節度判官廳公事第三人夏明承補

文林郎第四人徐應龍補從事郎第五人宋德之補文

林郎兩使職官內第五名宗德之為係四川類試第一

與恩例第五第六人以下至第五甲並迪功郎諸州司戶

簿尉五年五月七日詔新及第進士第一人曾從龍

本係第二名為上一名有官特賜許奕本係第一名為

第一甲第一一人又該龍飛恩例並特補宣義郎第三名魏了翁為該龍特

補承事郎並發書諸州軍節度判官廳公事第四人凌

次英以下為該龍並補文林郎第二甲並補從事郎兩

使職官第三甲第四甲第五甲並迪功郎諸州司戶簿

尉內第五甲元銓試二十八日賜進士聞喜宴于禮部貢院是

日賜新及第進士御製詩一首嘉泰二年五月二十

六日詔新及第進士第一人傳行簡特補承事郎發書

建康軍節度判官廳公事第二名喬嘉第三名謝汲古

並文林郎即蔡推判官第四名陳殊補從事郎防園推

判官第五名何應龍補文林郎為係四川利州試第一第

七名以下第二甲第三甲第四甲第五甲並迪功郎諸州

司戶簿尉開禧元年五月二十二日詔新及第進士

第一人毛自知特補承事郎發書鎮東軍節度判官廳

公事第二名趙甲第三名求溥並文林郎即蔡推判官

第四名張寅之第五名謝興甫並從事郎防團推判官
第六名以下第二甲第三甲第五甲並迪功郎諸
州司戶簿尉 六月八日賜進士開喜宴禮部貢院是
日賜新及第進士御製詩一首 嘉定元年五月三日
詔成肅皇后第八人凡筵未除聞喜宴權行免賜 二十二日
詔新及第進士鄭自誠特補承事郎簽書平江軍節度
判官廳公事第二名孫德興第三名黃桂並文林郎即
察雅判官第四名周必賢第五人趙汝誼並從事郎防
團推判官第六名以下第二甲第三甲第四甲第五
甲並迪功郎諸州司戶簿尉 四年五月二十四日詔
新及第進士第一人趙建大特補承事郎簽書昭慶軍

節度判官廳公事第二名姚瑤第三名孫望之並文林
郎郎察推判官第四名沈敏第五名張翊並從事郎防
團推判官第六名以下第二甲第三甲第四甲第五甲
並迪功郎諸州司戶簿尉 六月十五日賜進士聞喜
宴于禮部貢院是日賜新及第進士御製詩一首 七
年五月二十一日詔新及第進士第一人袁甫特補承
事郎發書建康軍節度判官廳公事第二名汪介第三
名李方子並文林郎郎察推判官第四名趙涯第五名
王伯大並從事郎防團推判官第六以下第二甲第三
甲第四甲第五甲並迪功郎諸州司戶簿尉 六月二
十一日賜進士聞喜宴于禮部貢院是日賜新及第進

士御製詩一首 十年五月八日詔新及第進士第一
人吳潛特補承事郎發書鎮東軍節度判官廳公事第
二名孫挾第三名費西之並文林郎蔡推判官第四名
王邁第五名闕鏞並從事郎防園推判官第六名以下
第二甲第三甲第四甲第五甲並迪功郎諸州司戶簿
尉 二十六日賜進士聞喜宴于禮部貢院是日賜新
及第進士御製詩一首 十三年六月十五日詔新及
第進士第一人劉渭特補承事郎發書建康軍節度判
官廳公事第二名董洪第三名任友龍並文林郎節察
推官第四名林彥挾第五名任鳴雁並從事郎防園推
判官第六名以下第二甲第三甲第四甲第五甲並迪

功郎諸州司戶簿尉 二十七日賜進士開喜宴于禮
部貢院是日賜新及第進士御製詩一首 十五年正
月初十日 王審教文應太學武學及宗學生見在籍
文並與免文解一次已係免解人候登第日與陞甲已
陞甲者更與陞甲如就特奏名試亦與陞等推恩上舍
已係免省人特與先次釋褐賜進士出身內願赴將來
殿試者與堂除差遣一次舊籍官學生見赴宗學私試
人特與倍賜束帛仍仰禮部開具人數申尚書省 同
日又敕文應臨安府府學大小職事并本府曾得解進
士並各與免解一次已係免解人候登第日與陞甲如
就特奏名試亦與陞等學生并賜束帛 十六年六月

十四日詔新及第進士第一人蔣重珍持補承事郎簽
書建康軍節度判官廳公事第二名蔡仲龍第三名趙
發並文林郎郎察推判官第四名程必東第五名高宣
並從事郎防團推判官第六名以下第二甲第三甲第
四甲第五甲並迴功郎諸州司戶簿尉 六月四日賜
進士聞喜宴于禮部貢院是日賜新及第進士御製詩
一首

貢舉雜錄

太祖建隆三年九月一日詔曰國家懸科